

Organi Shqyrtues i Prokurimit - OSHP
z. Hysni Hoxha - Kryetar
26 gusht 2014

Kërkesë për sqarime shtesë rreth tenderit Furnizim me Automjete të Policisë së Kosovës

I nderuari z. Hoxha,

Lëvizja FOL, përmes kësaj letre kërkon nga ana e Organit Shqyrtues të Prokurimit - OSHP sqarime shtesë rreth dy (2) vendimeve të OSHP-së ai i datës 30/07/2014 me numër PSH. 159,160 dhe 163/2014 (më tutje në tekst referohet si vendimi i parë) dhe ai datës 08/08/2014 me numër PSH. nr. 159/14, 160/14, 163/14 (më tutje në tekst referohet si vendimi i dytë) lidhur me aktiviteti e prokurimit “Furnizim me Automjete” me numër të prokurimit PK-214/14/100/111, i iniciuar nga Autoriteti Kontraktues - Policia e Kosovës.

Në vendimin e parë Paneli Shqyrtues i OSHP-së aprovon pjesërisht si të bazuar ankesat e tre (3) operatorëve ekonomik (OE) dhe lënda duhet të kthehet në ri-tenderim. Ndërsa Kryetari i OSHP-së në bazë të nenit 112 pika 2 e LPP-së ka shpallë këtë vendim (vendimin e parë) si pa efekt juridik duke potencuar se Paneli Shqyrtues ka marrë vendim nën masën e ndikimit në kundërshtim më nenin 130¹, nenin 117², nenin 112 pika 2³, nenin 28⁴ dhe nenin 7⁵ të LPP-së me Nr. 04/L-042.

¹ Ndikimi i Paligjshëm

² Afati i fundit për marrjen e vendimeve

³ Efekti pezullues i ankesave - Pika 2. Pavarësisht nga paragrafi 1. i këtij neni të këtij ligji, nëse kërkohet nga autoriteti kontraktues, Kryetari i OSHP mund të nxjerrë urdhër për heqjen e obligimit për pezullimin automatik të aktivitetit të prokurimit nëse duke marrë parasysh pasojat e mundshme negative që mund të ketë pezullimi në të gjitha interesat që mund të dëmtohen duke përfshirë interesin publik dhe interesat e ankuesit, Kryetari vendos se pasojat negative që mund të ketë pezullimi i tejkalojnë përfitimet e mundshme. Para se të marrë çfarëdo veprimi mbi kërkesën e autoritetit kontraktues, ankuesit do t'i jepet mundësia që t'i dorëzojë argumente me shkrim Kryetarit të OSHP-së lidhur me atë se pse pezullimi nuk duhet të hiqet. Kryetari do të njoftojë ankuesin dhe autoritetin përkatës me shkrim për vendimin e tij.

⁴ Specifikimet teknike

Në këtë kontekst Lëvizja FOL kërkon sqarime shtesë rreth konkluzionit të kryetarit të OSHP-së se vendimi i parë i Panelit Shqyrtues është marrë nën masën e ndikimit, atëherë:

1. Bazuar sidomos në nenin 130 të LPP-së specifikisht nën çfarë ndikimi kanë rënë anëtarët e Panelit Shqyrtues?
2. Nëse Kryetari i OSHP-së ka konkluduar se ky vendim është marrë nën ndikim atëherë çfarë masash janë marrë nga ana e OSHP-së për anëtarët e këtij Paneli Shqyrtues?
3. A është njoftuar Ministria e Punëve të Brendshme rreth kësaj situatë dhe a ka dhe çfarë janë rezultatet e MPB-së rreth kësaj çështje në përputhje me nenin 130 pika 3 të Ligjit të Prokurimit.

Lëvizja FOL, duke pas parasysh rëndësinë dhe interesin publik të kësaj çështje pret që OSHP të kthej përgjigje në kërkesën e dorëzuar.

Me respekt,

Petrit Zogaj
Drejtor Ekzekutiv